

百越先賢志
三峯傳
前徽錄



百越先賢志

歐大任撰

中華書局

三
峯
傳
藁

萬應隆 著

中
華
書
局

前

微

錄

姚世錫
錄

中
華
書
局

叢書集成初編

百越先賢志（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

此據嶺南遺書本
排印初編各叢書
僅有此本

百越先賢志自序

粵越一也。禹貢周職方。揚州外境五嶺至于海。盡越之南裔。始禹周行天下。還越會計諸侯。少康封庶子無餘於會稽。以奉禹祀。文身斷髮。披草萊而邑焉。無餘後二十餘世。至允常子句踐。竟滅吳。稱王。徙都瑯琊。雄方國矣。句踐六世至王無疆。伐楚。楚熊商敗之。無疆去瑯琊。止東武。越遂散。諸子或爲王。或爲君。濱於江南海上。臣服於楚。謂之百越。蓋揚州分野。會稽以南。星紀鶉尾。實負南海。嶽秦滅楚。王翦略取揚越。漸爲三郡。曰南海。曰桂林。曰象尉。陀子孫歸漢。合浦蒼梧鬱林交趾九真。象嶺耳珠厓郡而九矣。今自南越北。屆姑胥。盡會稽之境。故夫越也。東自無諸都東治至漳泉。故閩越也。東海王搖都于永嘉。故甌越也。譯吁宋舊壤湘灘而南。故西越也。牂牁西下邕容綏建。故略越也。漢人謂越近海。多犀角玳瑁珠璣銀銅果布之湊。豈但然乎。陽德之盛。鍾爲人文。衣冠禮樂之不於唐虞聲教。暨南交始邪。余聞太史公曰。越雖蠻夷。其先豈嘗有大功德於民哉。夫句踐在春秋書於越。入吳夷之也。其時越之人。蓋有爲苦身戮力。深謀秘計。以報羈棲之恥。號令中國。而尊周室者。卽秦漢以來。騶氏之爲無諸爲搖。趙氏之爲陀爲光。越人左右毗贊之者不少。至劉氏東西二京。功業文章之臣。出于越之南北七八千里。薄海至交州益多矣。於是綜史牒。摭遺佚。自周迄漢。百二十人。荒遐遼邈。大賢小賢。故備錄焉。章武黃初。下逮唐宋。別爲紀載。不揣漏略。此則志百越先賢云。嘉靖三十三年十一月長至日嶺南歐大任序。

百越先賢志凡例

一兩漢輿地志。吳越之境。皆會稽郡。別爲丹陽豫章。故會稽之越。夏禹苗裔也。星散之後。爲王爲君長。濱於江南海上。百越之所繇名。因其君長所居地。實遠至南海桂林。漢以後。州郡分隸。名以代殊。今志人物。原本百越。按其實也。廬鳳淮揚。在漢爲東海臨淮二郡。雖漢志盡屬吳分。不得強同。

一會稽秦置郡也。地最廣斥。漢分爲吳郡。然地卽太伯吳國。南方精華之學。蓋有孔門之教焉。今志所載漢之會稽。漢之南海。人士居多。諸郡什一。廣陵固有邵平徐璆。淮陰固有韓信枚乘。舒六固有英布文翁。沛上固有蕭曹諸人。非可因吳分而並存。卽子游季札。亦不錄也。一志內人物。如隱逸方外。俱依世代。並與功業文章之士。皆曰先賢。孔門且謂賢者識大。不賢者識小。皆爲可師。故稱先賢。非故襲襄陽耆舊。荆楚陳留先賢而爲斯編也。

一百越人物。年歷久遠。前代記載。詳略不同。今小善必錄。不泯其名。大賢功行。卽馬班紀載。或刪繁一。二固所不免。志專於詳載。故不加論贊。

此據涇川叢書本
排印初編各叢書
僅有此本

前
徽
錄

此 據 咫 進 齋 叢 書
本 排 印 初 編 各 叢
書 僅 有 此 本

繭廬先生前徵錄於表揚先烈之外。旁摭逸事。原原本本。殫見洽聞。期以勸善進德。爲立心制行者樹之準的。非徒微顯闡幽。備鄉國之懿美。儲輶軒之掇拾已也。昔勾吳公子聽宮縣而知四國之升降。垂隴大夫聆歌詩而辨衆志之從違。吾浙代產偉人。茗雪尤薈萃英賢之地。其間嘉言懿行。散見於邦國紀載。固不勝書。而殊尤絕物。爲里巷所褒稱。則卽一事之微。正不得區冠裳草澤。而不爲之淵厥芳徽。垂爲圭臬也。先生著作等身。卽此一編。具史官之識之才。以視龍門班范。詎有慙色。責任蒐羅者。吾知必珍同拱璧矣。爰綴數言於首。以志心折焉。乾隆辛巳仲夏上澣八日。山陰同學弟王元禮拜撰。

三峯傳藁目錄

周儀部傳

金黃萬楊合傳

吳麻沈合傳

梁解元傳

方翰林傳

萬氏五君子傳

百越先賢志卷一

明 順德歐大任楨伯撰

歐冶子

歐冶子越人。與吳人干將同師。俱能爲劍。越王允常使造五劍。五金之英。太陽之精。寄氣托霧。出之有神。服之有威。可以折衝拒敵。楚王召風胡子問之曰。寡人聞吳有干將。越有歐冶子。此二人甲世而生。寡人願齋邦之重寶。因吳王請此二人作劍可乎。風胡子曰。善。於是之吳。見歐冶子。干將鑿茨山洩其溪。取鐵作劍三枚。一曰龍淵。二曰泰阿。三曰工布。風胡子奏之。楚王見而大悅。問曰。此三劍何物可象。其名爲何。風胡子曰。欲知龍淵。觀其狀如登高山。臨深淵。欲知泰阿。觀其鈺。巍巍翼翼。如流水之波。欲知工布。鈺從文起至脊而止。如珠不可衽。文若流水不絕。晉鄭聞而求之不得。與師圍楚。三年不解。楚王引泰阿登城。麾之三軍。破敗。流血千里。晉鄭之頭畢白。楚王曰。劍威耶。寡人力耶。風胡子曰。劍之威也。因大王之神。軒轅神農赫胥之時。以石爲兵。黃帝之時。以玉爲兵。各有使然。當此之時。鐵兵神也。大王有聖德。楚王曰。楚人聞命矣。據吳越春秋越絕書參修。

疇無餘謳陽

疇無餘。謳陽。越二大夫也。越伐吳。爲二隧。先及郊。吳太子友。王子地。王孫彌庸。壽於姚。自泓上觀之。彌庸

見姑蔑之旂曰。吾父之旂也。不可以見讐而弗殺也。太子曰。戰而不克。將亡國。請待之。彌庸不可。屬徒五千。王子地助之戰。彌庸獲讐無餘。地獲謳陽。越兵至。王子地守復戰。大敗吳師。獲太子友。王孫彌庸。壽於姚。遂入吳。吳王方會諸侯於黃池。欲霸中國。以全周室。其人告敗。惡其聞也。斬七人於幕下。據左傳史記參修。

大夫種

文種。字子禽。官大夫。吳敗越於夫椒。越王勾踐。以餘兵五千人保棲會稽。令三軍曰。凡我父兄昆弟及國子姓。有能助寡人謀而退吳者。與之共知越國之政。種對曰。臣聞之。賈人夏則資皮。冬則資絺。旱則資舟。水則資車。以待乏也。譬如簞笠。時雨既至。必求之。今君王既棲於會稽之上。然後乃求謀臣。不亦晚乎。勾踐曰。苟得聞子大夫之言。何後之有。執其手而與之謀。遂使之行成於吳。與宦士三百人。卑事夫差。勾踐請爲臣。妻爲妾。夫差用大宰嚭之言。赦越。勾踐反國。苦身焦思。坐臥飲食嘗膽也。問於種曰。伐吳何能有功乎。種曰。伐吳有九術。尊天地。事鬼神。一。重財幣。以遺其君。二。貴糴粟。以空其邦。三。遺之美好。以勞其志。四。遣之巧匠。使起宮室。高臺榭。以盡其財。疲其力。五。遣其諛臣。使之易伐。六。彊其諫臣。使之自殺。七。邦家富而備器。八。堅厲甲兵。以承其弊。九。勾踐曰。善。種行貨粟。以下其事。子胥諫不聽。再修下吏之獻。夫差受殿材而起妬胥之臺。樂美女而納西施。鄭旦。嚭復讒子胥。夫差大怒曰。伍員託子鮑氏。果欺寡人。反明矣。使人賜屬婁劍以死。因任嚭政。越乃興師伐吳。大敗之於秦餘杭山。滅吳。擒夫差。而戮嚭與其妻子。國據

語。史記。吳。春秋。越絕書參修。

計倪

計倪者，先葵邱濮上人，姓辛氏，字文子。其先晉國亡公子也，南游於越，范蠡師事之。越王勾踐既反國，欲圖吳，乃召計倪而問焉。計倪曰：「君人尊其仁義者，治之門也。士民者，君之根也。開門固根，莫如正身。正身之道，謹左右。左右者，君之所以盛衰者也。願王選左右，得賢而已。昔太公磻溪之餓人也，西伯任之而王。管仲、魯之亡囚，有貧分之毀，齊桓得之而霸。故曰：失士者亡，得士者昌。」越王曰：「反國五年，豈不使賢任能，各殊其事？」孤冀聞報復之謀。計倪曰：「興師者，必先蓄積食錢布帛，不先蓄積，士卒數饑，不可以戰。」越王曰：「孤聞先生明於治歲，欲聞其術以爲教常。」計倪曰：「省賦斂，勸農桑，因熟積以備四方，毋如會稽之饑，不可再更。臣聞王自耕，夫人自織，此竭於庸力而不斷，時與智也。時斷則循，智斷則備。知此二者，形於體，萬物之情，短長逆順，可觀而已。」越王曰：「請問其要。」計倪曰：「太陰三歲處金則穰，三歲處水則毀，三歲處木則康，三歲處火則旱，故散有時，積糴有時，領則決，萬物不過三歲而發矣。天下六歲一穰，六歲一康，十二歲一饑，是以民相離也。故聖人爲之豫備。湯七年旱而民不饑，禹九年水而民不流。越王曰：「善。」大夫扶同苦成，嘗與孤議於石室，孤非其言也。今先生言獨與孤比，請受教焉。」計倪曰：「糴石二十則傷農，九十則病末，農傷則草木不辟，末病則貨不出，故糴高不過八十，下不過三十，農末俱利矣。」越王又曰：「善。」計倪乃傳其教而圖之曰：「審金木水火，別陰陽之明，用此不患無功。」越王著其法，治牧江南，七年而禽吳矣。

據史記·吳越春秋·越絕書

范蠡

范蠡字少伯。越之上將軍也。其始居楚宛五戶之墟。僑儻負俗。時人盡以爲狂。文種爲宛令。笑曰。士有賢俊之姿。必有佯狂之譏。內懷獨見之明。外有不知之毀。此固非二三子之所知也。從官屬駕車往。終日而語。疾陳霸王之道。越王勾踐卽位三年。欲伐吳。范蠡進諫曰。夫國家之事。持盈者與天定。傾者與人節。事者與地。王無早圖。夫吳君王之吳也。王若早圖之。其事將未可知也。居三年。越王三問謀吳。三曰。王姑待之。其後四年。越王復問。范蠡曰。可矣。勾踐乃發習衣三千。教士四萬人。君子六千人。諸御千人。伐吳。吳師敗。越遂復棲吳於姑蘇之山。范蠡爲書辭越王。請從會稽之誅。乃裝其輕寶珠玉。與其徒屬乘舟浮海。出齊變姓名。自謂鴟夷子皮。耕於海畔。齊人聞其賢。以爲相。間行止於陶。稱陶朱公。後莫知其所終。越王命工以良金寫其狀而朝禮之。表會稽山三百里以爲奉邑。曰。後世子孫有敢侵蠡之地者。使無終沒於越國。皇天后土。四鄉地主正之。據國語。史記。越絕書。會稽典錄參修。

薛燭

薛燭。越王客也。善相劍。王示之豪曹。燭曰。豪曹。非寶劍也。夫寶劍五色並見。莫能相勝。豪曹已擅名矣。非寶劍也。王示之巨闕。燭曰。非寶劍也。寶劍者。金錫和銅而不雜。今巨闕已雜矣。非寶劍也。王取純鉤示之。燭瞿然望之曰。光乎如屈陽之華。沈沈如芙蓉。始生於湖。觀其文如列星之行。觀其光如水之溢塘。觀其斷巖巖如瑣石。觀其色煥煥如冰釋。此所謂純鉤耶。王曰。是也。客有市之鄉三十。駿馬千疋。千戶之都二。

其可與乎。燭曰不可。夫魚腸湛盧盤郢，皆在吳矣。赤堇之山，已合若邪之溪，深而不測。歐冶子已死，雖有傾城量金珠玉，竭河猶不可與。鄉三十駿馬千疋，千戶之都，二何足言哉。王曰善。據吳越春秋，越絕書，古劍錄參修。

陳音 秦伊附

陳音，楚人也。范蠡進於越王，爲越射卒。越王問曰：孤聞子善射，道何所生？音曰：臣聞弩生於弓，弓生於彈，彈起古之孝子。越王曰：孝子彈者奈何？音曰：古者人民樸實，饑食鳥獸，渴飲露，死則裹以白茅，投於中野。孝子不忍見父母爲鳥獸所食，故作彈以守之，絕鳥獸之害。故歌曰：斷竹續竹，飛土逐肉。於是黃帝弦木爲弧，剡木爲矢。黃帝之後，楚有孤父射傳於羿，羿傳逢蒙，逢蒙傳琴氏。當是時，諸侯相伐，兵刃交錯，弓矢之威，不能制服。琴氏乃橫弓著臂，施機設樞，加之以力。然後諸侯可服。琴氏傳之楚三侯，所謂句亶、鄂章、人號、麋侯、翼侯、魏侯也。三侯傳至靈王，桃弓棘矢，以備隣國。臣先人受之於楚五世矣。越王曰：願聞正射之道。音曰：射之道，身若戴板，頭若激卵，左足踞，右足橫，左手若附枝，右手若抱兒，舉弩望敵，翁心咽烟，與氣俱發，得其和平，神定思去，去止分離，右手發機，左手不知，一身異教，豈況雄雌。此正射持弩之道也。越王曰：善。願悉教吾國人。音教射三月，軍士皆能用弓弩之巧。音死，越王傷之，葬國西五里射浦。曰：陳音山。越王又有客秦伊，善灼龜，戰必得龜食，乃陳民。山西大家爲秦伊山善灼龜者家也。據越絕書，吳越春秋參修。

諸稽郢 扶同善成，舉如舌，庸皓通附

諸稽郢，越大夫也。吳王夫差起師伐越，以報構李。越王勾踐逆之江，吳大敗之於夫椒。越命諸稽郢行成。